

REFERAT FRÅ REPRESENTANTSKAPSMØTE I NGIR

Tid: 25.10.21, kl 11.30

Stad: Alver hotell

Desse representantane møtte:

Alver: Laila Bjørge, Ingrid Fjeldsbø, Tormod Skurtveit, Stian Lavik, Nina Stabell
Øvreås, Sveinung Toft, Yngve Walaker

Austrheim: Gro Kaland, Hardy Pedersen

Fedje: Hans Erik Waage

Gulen: Ingen kunne møte

Masfjorden: Ragnvald Tangedal, Hildegunn Bjånes

Modalen: Liv-Anne Aanesen, Håvard Engeseth

Solund: Nils Christian Bjørge, Sølvi Songstad Waage

Frå styret:

Ottar Skjelvik (styreleiar), Henrik Kjøpstad (styremedlem) og Øyvind Bratshaug (styremedlem
1. vara)

Frå administrasjonen:

Bjørn Berg (dagleg leiar, ref.), Ove-Christian Fredriksen (økonomileiar) og Hilde Lysø
(seniorrådgjevar)

Sakliste:

- Sak 11/21 Godkjenning av innkalling og sakliste
- Sak 12/21 Val av medlemmer til å skriva under møteprotokoll
- Sak 13/21 Meldingar
- a) Diverse munnleg orientering
 - b) Informasjon organisering v/ advokat Trine Lise Fromreite (Simonsen Vogt Wiik)
 - c) Informasjon strategiprosess
- Sak 14/21 NGIR organisering
- Sak 15/21 Budsjett 2022 og Økonomiplan 2022-25

Møtet starta med namneopprop.

Tormod Skurtveit (leiar i representantskapet) leia møtet.

Sak 11/21 Godkjenning av innkalling og sakliste

Det var ingen merknader til innkalling og sakliste.

Innkalling og sakliste vart samrøystes godkjent av representantskapet.

Sak 12/21 Val av medlemmer til å skriva under møteprotokoll

Framlegg i møtet:

Hildegunn Bjånes (Masfjorden), Hardy Pedersen (Austrheim) og Tormod Skurtveit (Alver) skriv under protokollen.

Samrøystes godkjent av representantskapet.

Sak 13/21 Meldingar

a) Diverse munnleg orientering

Klagenemnd i NGIR

Leiar for den særskilte klagenemnda i NGIR, Ingrid Fjeldsbø, gav representantskapet ei orientering om korleis dei har jobba etter at nemnda vart oppretta i mars 2020.

Klagenemnda har fått støtte frå ekstern advokat, og i tillegg har Hilde Lysø (seniorrådgjevar hjå NGIR) fungert som sekretær for nemnda.

Fram til no har nemnda handsama tre klagesaker, alle frå Solund. Dette har vore tre spesielle saker, med lang historikk, der og Sivilombodsmannen har vore kopla inn for vurdering. Mange av problemstillingane som er reist av klagarane har vore av «prinsipiell karakter», og har vore juridisk kompliserte. Det er gjort eit omfattande arbeid frå klagenemnda / klagenemndas sekretær / advokat for å prøva å avklara desse spørsmåla «ein gong for alle».

Utfallet i dei tre konkrete klagesakene er at to har fått avslag, og ein har fått medhald. I tillegg er NGIR pålagt å tilbakebetala renovasjonsgebyr for 1. halvår 2018 til ca 115 abonnentar.

Klagenemnda har i samband med sitt arbeid sett at «fritak» vil ofte ikkje vera ei god løysning, særleg der det uansett oppstår avfall som må takast hand om. Nemnda har difor oppmoda NGIR om å vurdere moglegheitene for eit utvida renovasjonstilbod til

«veglause øyer», og/eller å vurdere moglegheitene for fleire «kategoriar» av renovasjonsgebyr.

Eigarskapsmeldingar

NGIR v/styreleiar har vorte kontakta av revisjonsselskapet KPMG for Alver kommune og av Vestlandsrevisjon for Masfjorden, Austrheim og Fedje kommune.

Kommunane har engasjert desse 2 selskapa for å utføre eigarskapskontroll. Styreleiar i NGIR har med assistanse frå administrasjonen gjeve svar til konsulentane.

I den forbindelse vart det mellom anna spurt om kva form for kommunikasjon det er mellom eigarkommunane og NGIR. Den formelle informasjonen i skriftleg form, som til dømes referat frå representantskapsmøte og årleg behandling av gebyr, går som normalt, men dagleg leiar ville gjerne vite om dette er tilstrekkeleg, eller om det er ynskeleg at NGIR kjem i kommunestyra og informerer meir systematisk om kva som skjer i selskapet. Etter ein runde blant representantar frå kvar kommune var det semje om at NGIR bør ha minst eitt besøk i kvart kommunestyre kvar valperiode. Dagleg leiar tek dette til etterretning.

Strategiarbeid i NGIR

Dagleg leiar orienterte.

Administrasjon har lagt fram eit arbeidsdokument som har vore brukt som utgangspunkt for diskusjon i styret det siste året. Eit utdrag av dette vart vist til representantskapet. Strategiarbeidet vil no fortsette parallelt med utvikling av selskapsform og organisering – sjå sak 14/21.

Representantskapet tok meldingane til orientering.

Sak 14/21 NGIR organisering**Bakgrunn**

Representantskapet vedtok i sak 27/20 å setta i gang ei utgreiing på bakgrunn av det som var kome fram i notat frå Samfunnsbedriftene. Vedlagt følgjer utreiinga.

Advokat Trine Lise Fromreide vil presentere utgreiinga på representantskapet.

Saka

Advokat Trine Lise Fromreide frå advokatfirmaet Simonsen Vogt Wiig AS blei engasjert for å gjera utreiinga. Ho var ferdig med den før sommaren, og den har nå vore lagt fram for de tillitsvalte og for styret i NGIR.

Fromreide konkluderer i notatet med at det er svært vanskeleg å omorganisera NGIR tilstrekkeleg til at eigarkommunane kan foreta direkte anskaffingar hjå NGIR utan å følgja regelverket for offentlege anskaffingar. Dette skuldast at ei slik omorganisering vil splitta opp organisasjonen så mykje at det vil gå ut over stordriftsfordelane som er i NGIR i dag. Vert stordriftsfordelane svekka, vil dette gje dyrare og dårlegare tenester både til hushalda og til næringslivet i NGIR-området.

Når NGIR ikkje klarer å splitta organisasjonen tilstrekkeleg, kan NGIR sine eigarkommunar ikkje kjøpe tenester for det kommunale avfallet («næringsavfallet» frå kommunal verksemd) direkte frå NGIR utan å sjå til regelverk for offentlege anskaffingar. Når det gjeld avfall frå hushalda, er dette sikra å vere i tråd med anskaffingsregelverket gjennom at einerett er innarbeid i den nye renovasjonsforskrifta.

Det anbefalast likevel å sjå på ei omorganisering av NGIR, som kan leggja forholda til rette for NGIR når det gjeld framtidig regelverk for konkurranse på like vilkår. Samstundes vil ny organisering kunne leggja til rette for at NGIR framleis kan vera ein viktig samarbeidspart for næringslivet og kommunane i NGIR-området, og vera ein bidragsytar i utviklinga av den sirkulære økonomien i Noreg.

Styret har vedteke at det skal jobbast vidare med ein modell for ny selskapsorganisering av NGIR, og ynskjer no representantskapet si tilslutning. Planen er at modellen vert lagt fram for styret i vinter, og så vil saka handsamast i representantskapet i dei to møta i 2022. Ei eventuell endring vil tidlegast kunne skje ved årskiftet 2022/23.

Dei tillitsvalte vil få modell til ny organisering så snart den føreligg, og før den leggst frem for styret.

Styrets framlegg til vedtak:

Styret legg i løpet av 2022 fram ei modell for ny selskapsorganisering av NGIR.

Sveinung Toft fremja følgjande alternative framlegg til vedtak:

Styret legg i løpet av 2022 fram eit forslag til modell for ny selskapsorganisering av NGIR.

Framlegget frå Sveinung Toft vart samrøystes vedteke av representantskapet.

Sak 15/21 Budsjett 2022 og Økonomiplan

Økonomileiar Ove-Christian Fredriksen orienterte om forslag til budsjett 2022 og økonomiplan 2022-25, inkludert renovasjons- og slamgebyr for 2022.

I samband med investeringsbudsjettet vart det ein diskusjon i representantskapet knytt til den nye ordninga med mellombelse avfallsmottak på 5 ulike stader i Gulen/Masfjorden (som erstatning for tidlegare ordning med vår-/hausttrydderuter) kontra mogleg etablering av ein permanent gjenvinningsstasjon i Gulen/Masfjorden, og at ei slik investering ikkje er med i økonomiplanen dei næraste 4 åra.

Sveinung Toft fremja følgjande forslag:

Oppstart ny gjenvinningsstasjon i Gulen eller Masfjorden med oppstart i 2023.

Etter røysting fell dette forslaget, med 5 mot 10 stemmer.

Styreleiar Ottar Skjelvik sa at styret ville ta med seg innspela frå representantskapet, og sjå nærare på både kostnader og andre sider ved ulike tilbod for grovavfallslinnsamling i Gulen/Masfjorden.

Dagleg leiar sitt framlegg til vedtak:

1. Styret tilrår at representantskapet godkjenner budsjett 2022 og økonomiplan 2022-25 under føresetnad av godkjenning av gebyr i punkt 2. og 3. i kommunestyra i NGIR sine eigarkommunar.
2. NGIR tilrår fylgjande renovasjonsgebyr i 2022:

Renovasjonsgebyr	2022		2021	Endring
	eks. mva	inkl. mva	inkl. mva	inkl. mva
Ordinær renovasjon *	kr 3 840	kr 4 800	kr 4 360	kr 440
Tillegg stor restavfallsdunk (240 liter)	kr 320	kr 400	kr 400	kr -
Rabatt restavfall kvar 4. veke	- kr 320	- kr 400	- kr 400	kr -
Rabatt heimekompostering	- kr 400	- kr 500	- kr 500	kr -
Hytterenovasjon	kr 1 920	kr 2 400	kr 2 180	kr 220

I renovasjonsgebyret inngår tømning av dunkar hjå hustandane, hyttekonteinarar og glas- og metallkonteinarar, samt tilgang til faste og mellombelse gjenvinningsstasjonar. I tillegg kjem utstyr og forbruksmateriell som dunkar, biobøtter, bio- og tekstilposar, returplastsekkar og kostnadane med vidare handsaming av avfallet.

* Ordinær renovasjon tømning:

- matavfall kvar veke
- restavfall 2. kvar veke
- papir, papp og plast kvar 2. veke

3. NGIR tilrår fylgjande gebyrsatsar for slam i 2022:

Slamgebyr	2022		2021	Endring
	eks. mva.	inkl. mva	inkl. mva	inkl. mva
Ordinær tømning				
Årleg gebyr septikslam med tømning kvart år *	kr 1 776	kr 2 220	kr 1 980	kr 240
Årleg gebyr septikslam med tømning kvart 2. år	kr 888	kr 1 110	kr 990	kr 120
Årleg gebyr septikslam med tømning kvart 4. år	kr 444	kr 555	kr 495	kr 60
Gebyr pr kubikk slam frå kommunale avskiljarar	kr 360	kr 450	kr 400	kr 50

* Gjeld minireinseanlegg som har trong for tømning kvart år

Naudtømming **/Ekstra tømning ***

Ekstratømming inntil 4,5 kubikk	kr 3 358	kr 4 198	kr 3 744	kr 454
Naudtømming inntil 4,5 kubikk	kr 6 716	kr 8 395	kr 7 488	kr 908
Ekstratømming over 4,5 kubikk, pr kubikk	kr 588	kr 735	kr 655	kr 80
Naudtømming over 4,5 kubikk, pr kubikk	kr 1 174	kr 1 468	kr 1 309	kr 159

** Naudtømming er tømning som må utførast på kort varsel utanom vanleg tømmeplan grunna akutte uhell eller andre hendingar. Naudtømming skal utførast snarast mogeleg, og innan 24 timar etter varsel frå abonnent eller oppdragsgjevar.


*** Ekstratømming er ikkje like akutt som naudtømming, og skal oppfylle følgjande kriterium: Tømminga er utanom vanleg tømmefrekvens og oppdraget skal utførast innan 14 dagar etter at oppdraget er tinga.

4. Representantskapet gjev styret fullmakt til å teke opp lån til investeringar vedteken i budsjett 2022 og økonomiplan 2022-25.

I styremøte 4. oktober støtta styret dagleg leiar sitt framlegg til vedtak.

Punkt 1-4 vart samrøystes godkjent av representantskapet.


Alversund 25.10.21



Tormod Skurtveit
-Representantskapsleiar-



Hardy Pedersen
-Representantskapsmedlem-



Hildegunn Bjånes
-Representantskapsmedlem-

